

1610 D E 34-6-C-13- 8 84  
VERA THEOLOGIA  
ORATIO

HABITA SENIS A F. ANDREA A S.  
Quirico Ilicetano in templo D. Martini pridie  
Kal. Octobris, anno M. D. CX.

APUD COLLEGIVM THEOLOGORVM  
inultima actione Decanatus Admod. Reuer. P. Magistri  
SALVATORIS BINDII ILLVSTRIS  
— SENENSIS PATRITII.

Ex Congregatione Sancti Saluatoris Ilicetana  
Ordinis Eremitarum D. Augustini.

Autore Admod. Reuer. Patre Magistro Felice Milensio  
Congregationis Sancti Ioannis ad Carbonariam  
Ordinis eiusdem.

*Ex lib. Soc. All.*

*Ex lib. Soc. Soc.*

BIBLIOTECA NAZ.  
ROMA  
VITTORIO EMANUELE



SENIS, Apud Matthæum Florinum. M. D. CX.

*Superiorum Permissu.*

D E  
VERA THEOLOGIA  
ORATIO

HABITA SEINIS A E ANDREA A S

Quintus Orationis in templo S. Martini pado

M. D. C. L. X. anno M. D. C. X.

AND COLLEGIUM THEOLOGICUM

in Almae Matris Universitatis

SAVATORIS MUNDI

- SENIENSIS PARITIS

Testamentum

et in


Almae Matris Universitatis

SAVATORIS MUNDI

et in



ILLVSTRISSIMO  
 REVERENDISSIMOQVE  
 DOM. D. CAMILLO BVRGHESIO,  
 SENARVM ARCHIEPISCOPO  
 MERITISSIMO.



Frater Saluator Bindius Senensis maiorem felicitatem.



*VICQVAM* aliud citius cogitasset Illu-  
 strissime Præsul, quàm quòd, diminuta iam  
 ætate hominum, tandiu mortalem vitam pro-  
 ducturus essem, ut huius sacratissimi Collegij  
 Senensis Theologorum illustrium iterum Deca-  
 nus, in maiori cathedra, perannans, semimortuis artubus sessta-  
 rem. At quia sic Deus indulget, induxi animum, si quibus po-  
 tuissem significationibus huic patriæ amabilissimæ, quæ me ge-  
 nuit, huic Senatui præclarissimo, qui me promouit, pensum meum  
 persolvere: & mihi euenit; ut candelæ, quæ prope finem fulgu-  
 rans, in flammæ soluitur. Quare orationem ab Admodum  
 Reuerendo Patre Magistro Felice Milensio Ordinis mei, eden-  
 dam pro gestis postremis mei Decanatus, secundum morem  
 Collegij, non multis precibus, pro eius humanitate, curavi: quæ  
 carptim, breuitatis ergò, recitata, non desijt in scintillis lumina  
 sua ostendere: & scio, eam multò maioribus vestiuiisset splen-  
 doribus, nisi stylum recitaturi viribus attemperasset. Eandem  
 modo sua varia eruditione atque eloquentia refertam, prælo com-  
 mitto; ita integram, ut orator edidit, incredibiliter placituram,

quæ & mutilata placuit: Tibique nuncupo, Præsul Amplissime,  
multis de causis; sed duabus potissimum; primum, quia Tuo  
præsidio, tanquam alterius Tusci Mecenatis, factum est, ut  
studia nostra, præsertim Theologica, si unquam floruerunt, modò  
sint florentissima: deinde quia totius Ordinis mei, & huius im-  
primis mee Congregationis Ilicetana, sanctorum Patrum, ac  
Theologorum feracissima, amantissimus semper fueris, indiesq;  
fias amantior. Mihi verò sufficit, quid intenderim, indicasse: &  
gratiam in me Tuam hisce motibus excitasse saltem, si non meruis-  
se. Prouehat Deus Illustrissimam Dominationem Tuam à feli-  
citate in maiorem continuâ felicitatem. Senis, quarto Nonas  
Octobris MDCX.



Audatissimam omnium ore sapien-  
tiam in sacro Patrum Collegio sapien-  
tissimorum oraturus, minus mihi dif-  
ficile arbitror, eius super omnes scien-  
tias, vt supremi cuiusdam numinis in-  
ter hæroes, magnitudinem, excellen-  
tiam, diuinitatem persuadere. Sed illud, pro rerum copia,  
pro generis dignitate perarduum, vt stellarum multitudi-  
nem in orbe lunæ, ita inter orationis, quamuis latissimæ  
fines, laudum eius argumenta perstringere; atque, vt in ac-  
cessum Solis cyclum, ita fulgentissimam eius altitudinem  
inter abditissimos diuinorum arcanorum recessus vel ipso  
mentis oculo consequi. Verùm quia nihil iucundius,  
quàm de sapientia vel audire, vel loqui, ipsius tantum no-  
minis delectatio, dicentis laborem, audientium fastidium,  
orationis humilitatem (tantum spero) mirum in modum  
subleuabit: & qui angelicis alis, orbes cælorum penetrare  
nequeo, in terreni montis ignitos rubos post gradientem  
Moysen nudis pedibus reptabo ascendens: & quod diuis spi-  
rituum supernorum oculis intueri non possum, labijs cum  
Isaia, cælesti igne purgatis, dicendo saltem, vel mutiando  
atingam. Quis enim, Doctores clarissimi, si solam Theo-  
logiæ veritatem verbis prosequi vellet, posset ad nume-  
rum? nihilominus id antè agendum est: siquidem ea est  
intellectus natura, vt totus, velut ad magnetem palea, fe-  
ratur in verum; verum inquirat, & nunquam, nisi in veri  
possessione conquiescat. At sacer locus, sacri auditores,  
sacra thesis, sacer autor, sacer Diuo Hieronymo dies admi-  
rationem, ecstasim pariunt, nedum silentium; idq; pri-  
mum sapientis est, silere cum expedit. Dicebantur sophi  
ante Pythagoram ij, qui post Pythagorâ philosophi dicti  
sunt,

sunt, qui percontantibus quid profiteretur, se, ut humilis, non sophum, sed philosophum, id est sapientiæ amatorem esse respondit. Sed cum sapientia Deus sit, & verus philosophus amator Dei, nunquid philosophi fuerunt, qui fuerunt non veræ sapientiæ amatores? Nostra quidem, quæ Græcè dicitur Theologia, nempe de diuinitate sermo, vel ratio, inde sapientia est, quia de Deo est; inde vera, quia de Deo vero, & de operibus quibuscumque, intra, vel extra Deum, non aliud vnquam asserit, nisi verum. Quid est autem, inquit Tullius, ratione diuinius? quæ cum adoleuit, atque perfecta est, nominatur ritè sapientia. At nulla perfecta ratio sine veritate constabit; & nulla veritas sine ea veritate, quæ Deus est. Tria verò tradita olim esse Deorum genera differebat Scæuola Pontifex; vnum à poetis; alterum à philosophis; tertium à principibus ciuitatis: totidemq; Theologiæ posuit Varro; mythicon; physicon; ciuile (possum dicere) fabulosum; naturale; vrbani. Sed quodnā facinus, si hoc non est, erit indignum? Nomen illud Theologiæ sanctum, dei forme, diuinum, sibi etiam poetæ, & ij quidem vendicabant, quales Orpheus Thracijs, Musæus Atheniensis, Linus Chalcidius, & eiusdem farinae homines, vani, profani, nugaces: à quo tantò longiùs distabant, quantò minùs à falsitate: sacrilega, inquam, gentilium poetantium turba, impia, mendacissima, salax, ineffabile propemodum Theologiæ nomen propterea inuaserat, quòd & ipsa de Dijs ageret. Ita sanè, agebat de Dijs: sed de talibus Dijs, Augustinus ait, qui vel Mundi huius, quæ Deus fecit, elementa sunt: vel in principatu ad nutū creatoris, non suis meritis ordinati; vel & ipsi homines, licet magni. Et sicubi vnum verum Deum cecinerunt, commiscuerunt & Deos alios; cœdant omnia facis; execrantur disq;

disq; chimæris sursum deorsum omnia deturbarunt, ita ut eos, (velit, nolit) ipse idem Scæuola detestetur. Quis .n. si Deorum sobolem effingant, non horrescat audiens, numen aliud ex capite erupisse, ut Mineruam, quasi pituitam ex cerebro vliginoso fluentem de naribus? aliud ex fæmore Iunonis germinasse, quasi ex trunco ramum, ut Vulcanum? siue ex fæmore ipsius Iouis aliud, ut Bacchum, quem Semele cum concepisset, & fulmine tacta, immaturum dereliquisset, alligatum Iuppiter fæmori suo compleisset? Imò etiam (pro pudor) ortam Venerem, nescio quam, ex guttis sanguinis detruncatorum virilium cœli, & spuma maris. Sed leuia hæc videri possunt, si referantur ad infamissimos mores, quibus eos dehonestabant: iam dicentes adulterari Iouem in forma cygni cum Leda, vxore Tyn-dari; iam cum vxore Amphitryonis: modò verò ardere impudiciùs, & Ganymeden chryfocomum, Trois filium (vah scelus) cœlo raptum, sibi inter epularia scitamenta, destinare cymbiorum pincernam: tabere hinc zelotipia Iunonē; inde rapi ad stuprum Proserpinam: Cupidinibus suis feriri Veneres; furari Mercurium; latrocinari Cacus; Saturnum deuorare filios suos. Quid amentius? quid ipsa enormitate enormius? Quoad officia verò, cachinnos mouent, quæ phanaticè fingunt: nimirum, occupari Lucinam anxie puerperijs torminosis; aduigilare Forculum foribus; insidere Limentinum liminibus; præsidere Cardeam cardinibus; & (ut magis absurda sileam) ipsis etiam cloacis excubare Cloacinam: non spice, non calami, non calamorum nodi suos quique Deos non habuerunt; ut faciliùs, quàm eos atomos numeret; vel eorum deformissimas, quales Naso Apuleiusq; commentati sunt metamorphoses; quales Hesiodus theogonias, quales Boccacius



monstrosas genealogias Deorum. Et vt canunt? Pindarus de laudibus non Apollinis solùm, sed & Deorum omnium pacana cecinit; quidam & dithyrambos in laudem Bacchi: Aufonius technopœgnio, poemate petulantissimo, lusit; Simonides nœniarum primus autor esse Cœalyra gauisus est: Aristophanes facetijs comicis Deos risit: Pacuuius etiam picturis sua tragica deliramenta, suomet penicillo commisit. Hęcine, optimi Patres, Theologia? de Deo hęcine? qui vnus, immortalis, immutabilis, omnia videt, omnia implet, omnia curat: sibi totus, omnibus totus, vbique totus, qui & ideo vnus est, quia omnipotens est: & ita summus, vt seipso fieri maior minimè possit: adeo bonus, vt nec valeat semel velle esse malus. Mendacia sunt, blasphemijs impiè concinnata, neque ipsis apta theatris, quę poetarum cohors inuexit in Deos: quemadmodum & tertium illud genus ciuile, imò inciuile Theologię detestabile; & non ab vrbe, sed ab orbe vniuerso excludendum; tantò perniciosius, quàm poeticum, quantò firmiùs falsitati heret; & fabulosissimis huiuscemodi Dijs cultum exhibet; delubra consecrat; sacra facit; & nō figmentis iocosus, sed lacte, sanguine, animalibus, vario, serioq; sacrificandi ritu, diuinos deferret honores. Sic illud genus dum suos poetas conatur facere Theologos, facit mimos: hoc verò suos flamines, non Theologos, aut sacrificos, sed sacrilegos facit, & lanios inferorū. At neq; illud, quod naturale diximus, tale est, vt verę Theologię nomine vel momento ornari liceat, & si ita accedat, vt partim tangat. Nā Epicurus nō tantum Deorū prouidentiam negauit, sed & ipsos inueniri Deos: & Protagoras si non negauit, dubitauit tamen, quo vecordius non mussassent pueri. Quiverò (vt refert eloquens) Deos esse dixerunt, tanta sunt in

varie-



varietate, ac dissensione constituti, ut eorum molestum  
 sit annuere sententias, molestius recensere errores. An  
 iidem erunt Theologi, quos sophos habuit Græcia, & septe-  
 nario numero consecrauit? At Solon Salaminus, Pitæacus  
 Mitylenæus, Chilon Lacedæmonius, Cleobolus Lyndius,  
 Periander Corinthius, & Bias Pyreneus, non à physicis,  
 sed à datis benè viuendi institutis, sapientes dicti sunt. Vnus  
 ex eis Thales Milesius physicus erat, & hic omnium rerū,  
 eorundemque elementorum principium esse putauit aquā.  
 O quot animatę larvę, si per tempus liceret, cōtracto velo,  
 implerent scenam, philosophicè paludatę: spectemus pau-  
 cas. Anaximander ex suis quęque principijs nasci dixit;  
 & ex infinitis principijs Mundos gigni innumerabiles; &  
 dissolui modò, modò iterum generari: atque in his operi-  
 bus neuter diuinę menti aliquid tribuit. Anaxagoras re-  
 rum omnium effectorem diuinum animum utique sensit,  
 sed ex materia infinita. Anaximenes verò omnium rerum  
 causas infinito aeri dedit, ipsosq; Deos ex aere ortos opina-  
 tus est; à quo non longè dissensit Diogenes; ut Archelaus  
 Anaxagoram magistrum suum sequutus est. Parmenides  
 vniuersum credidit esse immobile. Socrates, & si ad com-  
 ponendos mores philosophiam suam inflexerit, suis tamē  
 disputationibus dum omnia mouet, penè omnia destruit;  
 adeo ut Aristippus summum bonum diceret esse volupta-  
 tem, Antisthenes virtutem; alij hoc, alij illud; ille fugien-  
 dam, hic administrandam esse Remp. Aesopus, moralis  
 & ipse, sed fabulator, & ludicrus. Aristoteles, deambulan-  
 tium sophorum dux, ut taceam errores reliquos, Mundū  
 existimauit fuisse æternum. Hęc Ionica, vbique celebris  
 sapientia, hęc prisca admiranda seculis Theologia: cui si  
 Stoicos addamus, Zeno Cyprius, à quo eorum disciplina

est, & cum eo Chryſippus atque Cleantes docuerunt mentium voluntates ſubditas neceſſitati: mala corporis non eſſe mala: ignem in hac vita eſſe beatitudinem; imò eſſe uiuentem; inò Deum, omniumq; principium; prope quod ſenſit Heraclitus. Vtq; vnum magnæ Græciæ noſtræ Pythagoram aſſeram, is prodire Deos faciebat ex numeris. Abeat Empedocles, Epimenides, alij: abeant Memphitici vates; gymnoſophiſtæ Æthiopes; abeant omnes. Ecquis enim cateruas nominet philoſophantium, dum eos Varro in ordinem cogens, in ducentas octoginta octo ſectas vocare omnes minimè potuit? Ille vnus non elabatur Plato, qui adeo omnibus præſtitit, vt diuinus appellaretur; & cui, ſi nulli alij, nomen Theologi congruentius deberetur. Non ſatis illi erat præceptor Socrates, peragrauit Italiam, vñ Architam, & Arionem Pythagoricos audiret: & qui dōctor expetebatur Athenis, niloticas ripas, limo inextricabiles, conſtanti pede percurrrens, Aegyptiorum ſenum gloriatur fieri diſcipulus; quaſi literas (vt cum Hieronymo loquar) toto orbe fugientes perſequeretur. Sed quot in locis lapſus eſt Plato? Ideas poſuit aliud eſſe, quàm mentem diuinam. Deum, qui excedit omne ens predica mentorum, poſuit in diuiſione existentium. Eam, quæ vna eſt, Dei prouidentia, triplicem fecit: primamq; erga creaturas intellectuales, & totum Mundum, quoad genera, & ſpecies, Deo tribuit: ſecundam erga ſingularia, animalia; plantas, circa generationem, aliasq; naturales mutationes, Dijs dat, qui cælum curant: poſtremam verò demonibus, qua ſcilicet prouidetur humanis actibus. Stultus factus eſt omnis homo à ſcientia ſua, inquit Hieremias; quippe cum non adiuuatur à ſcientia Dei, dicentis, Perdā ſapientiam ſapientium, & prudentiam prudentium repro babo.

babo . Docuit utique Plato immortalitatem animæ in Phedone: Mundum à Deo conditum in Timæo; Dei imitatore, cognitore, amatorem esse sapientem, cuius participatione beatus sit. Docuit triumphum esse innocentie, non peccare, ubi posse licet: potissimum philosophie robur patientiam esse: escam malorum esse voluptatem, quæ capiuntur homines, ut hamo pisces: huiusmodi plurima, verè Theologie consona docuit; ut Magi, qui tunc Athenis erant, immolauerint de functo, eumq; La-beo inter numina collocauerit. Sed dicam cū Augustino: quicquid philosophi inter falsa, quæ opinati sunt, verum videre potuerunt, & laboriosis disputationibus persuadere moliti sunt, quòd Mundum istum fecerit Deus, eumq; ipse prudentissimus administret; de honestate virtutum; de amore patriæ; de fide amicitia; de bonis operibus, atque omnibus ad probos mores pertinentibus, quamuis nesciētes ad quem finem, & quonam modo essent, ista omnia referenda sunt propheticis, hoc est diuinis vocibus, quæ ex ipso etiam creato orbe ita proclamant, ut, secundum Paulum, quod notum est Dei, ipse manifestauerit eis; cum ab eis inuisibilia eius per ea, quæ facta sunt, intellecta conspecta sunt, sempiterna quoque virtus eius, & diuinitas. Ante Pythagoram, autorem philosophici nominis, excellere prophetæ. Ante sapientes, quorum princeps Thales, prophetie lumen effulsit. Ante poetas, Orpheum, Musæum, Linum summus ille Theologus noster Moyses emicuit. Ante Aegyptiorum sapientiam claruit Abraham, qui Aegyptios astrologiam, & arithmeticam docuit. An & nos non habemus poetas, eosdemq; veros Theologos? David Simonides noster, inquit Hieronymus, Pindarus, & Alcæus, Flaccus quoque, Catullus, atque Sereus, Chri-

stum lyra personat, in decacordo psalterio ab inferis excitat resurgentem: Iob prosa incipit, versu labitur: Hieremias quadruplex diuersis metris necit alphabetum: Salomō in Canticis nuptiarum dulce canit epithalamium. Si phisicos Theologos quæritis, prodeunt hinc inde examina certatim, vnusq; pro omnibus præcurrit Moyses. Quæ vnquam, dicite, quænam de orbe condito inquisitio certior, historia verior, aut veritas tutior nostra Genesi? Quis Platonis, aut Tullij libros de legibus comparet cum Deuteronomio? Quis omnia Peripateticorum de cælo, de generatione, de phisicis cum primo Geneseos capite conferat, adeo perenni, sacro, diuino, vt cautum esset Hebræis, ne quis illud non tricenarius legeret? An sacerdotalem Theologiam, quæ ciuili respondeat, non habemus? Mittamus Leuiticum, prætereamus antiquos, nominemus vnum, vel alterum à Christo nato. Petrus tantus est, quantum Theologorum verticem, & quidem supremum dicit Dionysius; ad quem Paulus, etsi in se habitantem haberet Christum, venerabundus accessit; & Damasco Arabiaq; lustrata ascendit Hierosolymam, vt videret Petrum, & mansit apud eum diebus quindecim. Paulum, à quo ignoti Dei cognitionem accepit Areopagus, vas electionis, & Doctorem gentium appellat ipse Christus, vas legis, & scripturarum armarium ipse Hieronymus. Et vnde vnquam tanta vox, quanta illa tonantis Ioannis, In principio erat verbum, & verbum erat apud Deum, & Deus erat verbum? Vnde illa Apocalypsis, quæ tot habet sacramenta, quot verba? quinimò, parum dixit Hieronymus, tot habet sacramenta, quot elementa, quot apices. Committo silentio ineffabile illud sacrificium incruentum, quò quæcunque vni vero Deo debentur, oblationes, sacrifici-

sacrificia, holocausta; recurrunt admirando mysterio:  
 Taceo ceteros illius supremi Collegij insulatos Theolo-  
 gos, Euangelistas, Presbyteros, unde vera Theologia ve-  
 ritas per quatuor Mundi cardines vndequaq; diffusa est: ta-  
 ceo cuneos sequentiū Doctorū, myriades sacrorū Scripto-  
 rum, quorum vel primas nominum literas recensenti de-  
 esset ætas. Recolam Gregorium Magnum, cui vel colum-  
 ba submurmurat dictanti; vel ipsi angeli respondent ce-  
 lebranti: qui nunc Ezechielis obstruistiima pei meat; nunc  
 Canticorum oscula sacro ore delibat. Memorabo Am-  
 brosium, ad cuius aures dictantem angelum vel ipsi Aria-  
 ni aspiciunt: ad cuius famam conueniunt Persæ: cuius  
 lingua, catamus; auroras Theodosium frænant; Iusti-  
 ne Imperatricis perfidiā frangunt. Tē, verò Augusti-  
 ne parens; Theologorum Decanē summe, philosopho-  
 rum oraculum certum, hereticorum omnium impugna-  
 tor, victorq; gloriosissime, quis vllō vnquam valeat ver-  
 borum compendio recolere? Tot (o mirum) ab Augu-  
 stino edita, & dictata esse, ait Possidius; tot in ecclesia dis-  
 putata, excepta, atq; emendata, vel aduersus hereticos  
 scripta, vel ex canonicis libris exposita; vt ea omnia vix  
 quispiam studiosorum nosse, & perlegere sufficiat. Et  
 planè miraculo accidit, vt, Hippone regio à furentibus  
 Vandalis cōcremato, Augustini bibliotheca flāmas elu-  
 ferit: Accedit ad quadrigam Domini perficiendam tri-  
 linguis ille Hieronymus, fidelissimus, æque ac elegantis-  
 simus scripturarum interpret & ostiarius: cuius præconijs  
 ea accessio facta est, quod Nazianzenum prope trien-  
 nium promeruerit audire: & lustratis quasi omnibus or-  
 bis remotissimis angulis, ferè prius desineret viuere, quàm  
 docere. Vt autem ei, loco symboli consueti, leonem  
 adpin-

adpingam; Leonis Magni memoria sermonem claudam;  
Leonis inquam; Theologi eloquentissimi, florentissimæ  
Hetruriæ ornamenti, quem Tityla, Scytharum fulmen,  
quem Gensericus Gothorum Hercules, humiliatis cer-  
uicibus venerantur. Vestri sunt hi Theologi o Patres,  
vestra hæc encomia; panegyrica vestra; ego verò tantil-  
lus sum; ut diuinum Theologiæ nec tar, primoribus li-  
batum labris, vix quidem ex vno veritatis fonte, à poe-  
tarum, philosophorumq; inquinamenti purgato, vobis hu-  
maniter propinare potuerim. Si quid præterea præstan-  
tiæ eius, si eius laudibus addere suffragia concupitis, vos  
iplos addite, & erit satis. Quid plura? Quid à me ultra,  
suspensiora, contenditis? num coronidem? Emicat à  
syderibus Pius Aeneas; ille idem Aeneas Siluius, Pius Se-  
cundus, illustrissimi generis Picolomini germen ac stir-  
pes; Senatorum decus inclitum, supremi solij Apostolici  
olim Hierarcha; tantæ sapientiæ Pater, ut ignoretur ad-  
huc, an eum os fores fidei nostræ metuerent magis, quam  
collaudarent: tantæ item eloquentiæ, ut ipsemet Maho-  
metes, Turcarum tyrannus, quamuis immobiliter im-  
pius, animum orationi eius, pijsimè nunquam inflecte-  
ret; sentiret tamen legendo, lacuos; experiretur ignes;  
delectaretur ornatu: atque si pietas non fuit, fuit certe  
lactæ illius facundiæ vigor id, quod fibris eius inserpens,  
propè fecisset, ut nutaret omnino veritati intellectus, nisi  
sele auitæ fauicæ, atque ingentis barbariei adamantibus  
cuspidatis resultans obiecit armata voluntas. Ad quam  
vel militaribus terroribus expugnandam (nihil enim non  
tentat pietas) etsi ingentem undique expeditionem pa-  
raret Pius, non alijs equidem armis, nisi suæ ipsius lingue  
facundissime (mouente Deo) eam sibi obsequentem sua-



uiter reddidisset. At ubi hec sunt, quando magis hec  
 Ancona cogitat Sanctissimus Pontifex, cum nobis, ut  
 suis celsiori cathedra redimiret coronis, celum abstulit.  
 Prætermittō alios (non enim historiam teximus) venio  
 ad hoc seculum, non multò ante multifariam agitatum:  
 quo (miserante Deo vices nostras) P. A. V. L. V. S. QVIN-  
 T V S, iam antea Camillus Cardinalis Burghesius, ex hac  
 eadem Senensi patria, ut ex Senatus consultissimi fecun-  
 do vtero, nullis ætatibus senescente, thronum Petri, plau-  
 dente vndique orbe catholico conscendit, sustenturus  
 vices Dei in terris: Pontifex verè Opt. Max. Beatiss. Nostis  
 vos; laudastis; præcipuis honoribus affecistis eius nobilissi-  
 mos atavos: vidistis, mirati estis, ad quantas gradatim  
 dignitates, doctrinæ eius splendor, vitæ puritas, immen-  
 sorum meritorum vires cum euexerint: audistis, & vos  
 vnanimiter exultastis, quomodo sacer Ecclesiæ Mundus,  
 tanquam nactus delicias suas, ipso Pontifice conquieue-  
 rit: qua profectò nec maior, nec vlla vnquam melior  
 esse potest Christiani gloria Principis. Et iam nunc vi-  
 deor illum videre in his ipsis edibus sacris Pontificia ma-  
 iestate sedentem, atque Paulino Tharsensis spiritu vos  
 talibus compellantem: Ciues, quid vltra comperendi-  
 natis cælestem illam urbem capeßere, quæ omnium vr-  
 bium sæcula antecedens, verè Sena est, nunquam sene-  
 scens, ac senioribus, semper florentibus ætate plenitudi-  
 nis Christi, plenissima? Clausit eam Adam terrenus,  
 cælestis aperuit: reliquit hic clauos, & clauis: Sacramen-  
 tis irrigauit Ecclesiam. Vestrum est, eo Duce, currere,  
 peruenire, certare, vincere. Illa, o Ciues, Hierusalem,  
 quæ sursum est, libera est, quæ est mater nostra. Ibi di-  
 uitie, ibi delitiæ, imperium ibi. Illuc Theologi vos ipsos,  
 illuc,



illuc alios doctrina vnius Magistri, Domini nostri IESV  
CHRISTI, dirigite. Nulla inter hæc menia (arcente  
illo) nouatorum infernalium monstra, in quæ iaculemi-  
ni: nihil hic zizaniorum, dogmatibus fidei inter-  
natum (protegerite MARIA) quod euellatis,  
aut infirmetis. Vnum est: denuda-  
tum terrenis affectibus animum  
induere celestibus.

Dixi.



*Impressa Intuitu Adm. R. P. Eximij sacre Theologiae Doctoris  
Magistri Saluatoris Bindij Illustris Senensis Patritij.*